

бо ся: Горе в разумѣ согрѣшающим! Сего ради погубив дуновениемъ духа животнаго, его же въдохну¹²¹ бог на лице его, еже есть несвершен дар¹²² священія. Пишетъ бо ся: И дуну на лице его дух¹²³ животен. Тако бо и Христос дунув на лице апостолом: Примѣте, рече, дух святы¹²⁴ — несвершен дар, точью обѣтъ священія; ждати бо им повелѣ самого святаго духа: Иже пришед, рече, до конца освятить вы. Сиде и святители святятъ падьяки и четции и дяконы — несвершен дар, но обѣтъ священія,¹²⁵ да ся приготавливаютъ¹²⁶ на свершенное святительство. Ничто же бо богови тако любо, яко же не възноситися¹²⁷ в санѣх, и ничто же тако не¹²⁸ мерзить ему, яко же самонимая¹²⁹ величава¹³⁰ гордость о взятїи сана не о боѣх. Смотри же оног слѣпца с хромцемъ, како преобидѣ[л. 237]ста господина своего¹³¹ заповѣдъ и прещение:¹³² взем бо хромца и бремя понесе, и дошед внутренних, приближися к древу,¹³³ вкуси плода, и се добро зѣло, и тако окрадоства, их же повелено има стрещи. Привод. Того древа вкуси Каин; не сый священный на священъчъскый дерзну чин, поревнова священному Авелю, его же уби завистью. Того древа вкусиша сынове Корѣови, иже с Дафаном и Авироном; взем бо кадилницю и¹³⁴ поидоша в скинию неосвященїи суще, и пожре я земля. Того древа вкуси Или жрецъ, иже въдѣй¹³⁵ своя сына безаконъствующа во иерѣйствѣ, не отлучи его священства.¹³⁶ Того древа вкусиша еретици, иже злохитрьемъ аки въдуще душевный путь заблудиша и не приемше покаянїя погибоша.¹³⁷ Но сия ократив,¹³⁸ на первое взвратимся¹³⁹ сказанїе. Аще и отнемогл есть моего глагола уд, но пророк възвущаетъ мя, тако же глагола: Утрудихся вопия, измолче ми гортань.¹⁴⁰ Обличенїе¹⁴¹ грѣхъ.¹⁴² Слышав же господин, яко окраден есть виноград его, повелѣ изринути от врат хромца и изгнати от стражбы слѣпца.

Разумѣйте же нынѣ, безумни в лю[л. 237 об.]дех сановници,¹⁴³ буиши во иерѣх! Когда умудритесь? Навсажи¹⁴⁴ уxo не слышит ли и создавы око не смотрит ли! Наказая языки не обличит ли! Учай челоуѣка разуму не уразумѣет ли¹⁴⁵ нашего грѣхопадения! Господь бо свѣсть злохитрыхъ помышленья, яко суть лестна,¹⁴⁶ и тѣ измѣтаетъ неправедныя из власти,¹⁴⁷ изгонитъ нечестивыя от жертвенника. Никий же бо сан мира сего от муки избавитъ престаупающих¹⁴⁸ божия заповѣдїи. Но молю вашу любовь, со вниманїемъ пишемыхъ смотрите и яже слышите разумѣйте.¹⁴⁹ Повелѣ бог изринути из рая Адама, понеже¹⁵⁰ неповелѣнаго ему¹⁵¹ коснуся, сирѣчь прежде велѣнїя¹⁵² вниде в мѣсто святое. И усели его противу райствѣй пищи, — еда како, рече, простре руку и возьметъ от древа породнаго и жив будетъ в¹⁵³ вѣки, сирѣчь некли помянется и смирився покается, о них же согрѣши. Оле многое владычне челоуѣколюбье! И казнить ны и милуетъ, грѣха ради озлобляетъ ны и паки покаянья ради¹⁵⁴ приемлетъ; не хошетъ бо смерти грѣшника, но обратитися велить и живу ему быти.¹⁵⁵ Что есть древо животное? [л. 238] — Смиреномудрие,¹⁵⁵ ему же корень исповѣданье. Исповѣмъ бо, рече, на мя¹⁵⁷ безаконье мое,¹⁵⁸ и ты отпустил еси нечестье сердца моего. Того корене стебло — благо-

121 въдохну Ч. 122 дар ЧТ; в ркп. дары. 123 Нет Ч. 124 Доб. и Ч. 125-126 да себе приготавливаютъ Ч; да ся приготавливаютъ Т; в ркп. да ся приготавливаетъ. 127 възноситися Т; в ркп. износится. 128 Нет ЧТ. 129 самонимая Ч. 130 величаваго Ч. 131-132 заповѣдїи и прещенїя Ч. 133 Доб. и ЧТ. 134 Нет Ч. 135 невѣдый Ч. 136 священїя ЧТ; доб. дондеже и сам ею ради погыбе Т. 137 заблудиша Т. 138 обратив Ч. 139 възвращающа ЧТ. 140 горло Ч. 140-141 О обличенїи Т. 140-142. Нет Ч. 143 Доб. и ЧТ. 144 всажїи Ч; всажай Т. 145 Нет Ч. 146 лестна ЧТ; в ркп. нелестна. 147 Доб. и ЧТ. 148 престаупающих ЧТ; в ркп. престаупающїи. 149 Доб. раздрѣшенїе Т. 150-151 неповелѣнаго ему ЧТ; в ркп. не повелѣ ему. 152 повелѣнїя ЧТ. 153 Нет Ч. 154 дѣла Т. 155 Доб. Сказ Т. 156 цѣломудрие Ч. 157-158 безаконїя моя ЧТ.